

ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ - СИЁСИЙ ГАЗЕТАСИ

№ 17 (10.070)

2004 ЙИЛ 26 ЯНВАРЬ

Ўзбекистон Республикаси Вазирлар Маҳкамасининг
ҚАРОРИ

Кимё саноати корхоналарини бошқариш тузилмасини такомиллаштириш ва қишлоқ хўжалигига агрокимё хизмати кўрсатишни яхшилаш чора- тадбирлари тўғрисида

Вазирлар Маҳкамаси қайд этадики, қишлоқ хўжалигини минерал ўғитлар ва ўсимликларни кимёвий ҳимоя қилиш воситалари билан таъминлаш соҳасида интизомни мустаҳкамлаш юзасидан кўрилган чора-тадбирларга қарамадан аҳвол қониқарсизлигича қолмоқда. Ўтказилган текширишлар вақтида «Ўзкимёсаноат» давлат акциядорлик компанияси ҳамда «Ўзқишлоқхўжалик-кимё» давлат акциядорлик компанияси ва унинг ҳудудий корхоналари томонидан шартнома ва молия интизомининг жиҳдий бузилиши, минерал ўғитлар ва ўсимликларни ҳимоя қилиш кимёвий воситалари ишлаб чиқарувчи корхоналар билан ҳисоб-китобларнинг ўз вақтида амалга оширилмаслиги ҳоллари аниқланди.

Минерал ўғитлар ва ўсимликларни ҳимоя қилиш кимёвий воситаларини ишлаб чиқариш ва сотишнинг яхлит тузилмасини яратиш, уларнинг қишлоқ хўжалигига етказиб берилганлиги учун ҳисоб-китобларнинг ўз вақтида ва тўлиқ амалга оширилишини таъминлаш, ҳудудий агрокимё хизматларининг масъулиятини ошириш, улар ва ишлаб чиқарувчи корхоналар ўртасидаги ўзаро муносабатларни яхшилаш мақсадида Вазирлар Маҳкамаси ҚАРОР ҚИЛАДИ:

1. Мазмурий ислохотларни чуқурлаштириш ва иқтисодий бошқариш тузилмасини такомиллаштириш юзасидан таклифлар тайёрлаш бўйича Республика комиссияси, Қишлоқ ва сув хўжалиги вазирлиги, «Ўзкимёсаноат» давлат акциядорлик компанияси, «Ўзқишлоқхўжалик-кимё» давлат акциядорлик компанияси акциядорликлари, «Ўсимликларни ҳимоя қилиш кимёвий воситалари республика базаси» акциядорлик жамиятининг:

«Ўзқишлоқхўжалик-кимё» давлат акциядорлик компаниясини тугатиш;

«Қишлоқхўжалик-кимё» ҳудудий акциядорлик бирилшмаларини, уларни «Ўзкимёсаноат» давлат акциядорлик компанияси таркибига берган ҳолда, «Қишлоқ-

хўжалик-кимё» ҳудудий акциядорлик жамиятларига айлантириш;

«Ўсимликларни ҳимоя қилиш кимёвий воситалари республика базаси» акциядорлик жамиятини, Қорақалпоғистон Республикаси, Қашқадарё, Сурхондарё, Тошкент, Жиззах ва Бухоро вилоятлари чигирткага қарши курашиш экспедицияларини, Республика агрокимё станциясини, Республика ўқув-ишлаб чиқариш биологический Зараркунандалар, касалликлар ва бегона ўтлардан ҳимоя қилиш бўйича диагностика, прогноз ва биометод Республика ва ҳудудий лабораторияларини Қишлоқ ва сув хўжалиги вазирлиги тасарруфига бериш тўғрисидаги таклифлари қабул қилинсин.

Давоми 2-бетда.

ПРЕЗИДЕНТ КИТОБИНИНГ КУВАЙТДА ТАҚДИМОТИ

Ўзбекистон Республикаси Президенти Ислам Каримовнинг Кувайт Давлатига расмий ташрифи арафасида мамлакат пойтахти — ал-Кувайт шаҳридаги Шератон меҳмонхонасининг маросимлар залида Ўзбекистон Республикаси Президенти Ислам Каримовнинг янгидан араб тилида чоп этилган «Ўзбекистон XXI аср бўсағасида: хавфсизликка таҳдид, барқарорлик шартлари ва тараққиёт қафолатлари» китобининг тақдими бўлиб ўтди. Унда Кувайт Давлати қатор вазирлик ва муассасалари, илмий, ижтимоий ва ишбилармон доиралари ҳамда халқаро ташкилотлар, хорижий дипломатик ваколатхоналар ва оммавий ахборот воситалари вакиллари иштирок эттиди.

Ўзбекистон Республикаси ташқи ишлар вазирлиги ўринбосари И.Эргашев тақдирот маросимини очар экан, давлатимиз раҳбари китобини кўтарилган муҳим масала ва муаммолар бугунги кунда ҳам долзарб аҳамиятга эга эканини алоҳида таъкидлаб, халқаро терроризм ва диний экстремизм таҳдидларига қарши жонинг ҳамжамияти савий харақатларини ўзаро бирлаштириш ва яқдл курашиш борасида ушбу китобда илгари сурилган фикрларнинг тўғрилигини ўтган вақт ва сўнгги йиллар воқеалари аққол намойиш этганини кўрсатиб ўтди.

Маросимда иштирок этганлар, хусусан, АҚШнинг Кувайтдаги дипломатик ваколатхонаси раҳбари ўринбосари Франк Урбаншикнинг фикрича, мазкур китобда нафақат Ўзбекистон ва Марказий Осиё минтақасининг келажақ тараққиёти таъминини белгилаб берилган, балки дунё давлатларининг бугунги кунда дуч келаётган мураккаб муаммолари, халқаро терроризм, диний экстремизмга қарши курашиш, минтақавий низоолар ва хавфсизликни таъминлаш йўллари аниқ кўрсатиб берилган.

Иорданиянинг Кувайтдаги элчиси Мухаммад ал-Қуръоннинг таъкидлашча, ушбу китобда жонинг мамлакатлари учун миллий хавфсизлик тушунчасининг нечоғлиқ долзарблиги акс эттирилган. 2001



йилнинг сентябрида АҚШда содир этилган террорчилик ҳатти-ҳарақатлари, ундан кейинги даврда халқаро террорчиликка қарши курашнинг кучайтирилиши мазкур китобда ифода этилган фикр-мулоҳазаларнинг ҳаётлигини яна бир бор тасдиқлади.

Маросимда қатнашган Кувайт ишбилармонлари вакилларидан бири, мамлакатда катта нуфузга эга «Ал-Қаттами групп» компанияси вице-президенти Халид ал-Қаттами ўз нутқида мазкур китоб нафақат Кувайт сиёсий доиралари вакиллари, балки ишбилармонлар томонидан ҳам катта қизиқиш билан қўлиб олинганини таъкидлаб ўтди. Унинг фикрича, Ўзбекистон Республикаси Президенти Ислам Каримовнинг Кувайтга расмий ташрифи ўзаро иқтисодий муносабатларни ривожлантиришнинг ҳуқуқий асосини яратиб, Кувайт сармояларини Ўзбекистонга олиб киришга кенг имкониятлар очиб беради.

Тақдирот маросими низоюсида иштирокчиларга Ўзбекистон Республикаси Президентининг китоби тақдирлаб, Ўзбекистон Республикасининг мустақиллик йилларида эришган сиёсий ва иқтисодий соҳалардаги ютуқлари, маданий-тарихий мероси ва миллий қадриятларни акс эттирувчи видеофильм намойиш этилди.

«Жаҳон» АА.

XXI
ХАҲРБарча мамлакатлардан
олинган сўнгги хабарлар

Мамлакатимизда

● Олий Мажлисида парламентнинг Бюджет, банк ва молия масалалари қўмитаси ташаббуси билан «Ўзбекистонда микро-молиялаштириш ишлари аҳволи ва бу соҳани такомиллаштириш имкониятлари» мавзусида давра суҳбати бўлиб ўтди.

● Тошкентда АҚШ элчихонаси кўмағида «Фуқароларнинг ҳуқуқларини ҳимоя қилиш ва амалга ошириш тўғрисида аҳолининг хабардорлигини яхшилашда оммавий ахборот воситаларининг аҳамияти» мавзусида илмий-амалий семинар-ўқув ўтказилди. Унда ҳуқуқий соҳада билими ва иқтидорини кўрсатган қатнашчиларга «Инсон ҳуқуқлари ҳимоячиси» халқаро микёсдаги сертификатлари берилди.

● «Экосан» халқаро жамғармасининг меҳр-муруват поездиди Нукусга етиб келди. «Саломатлик ва муруват поездиди»да 30 миллион сўмликдан зиёд дори-дармон, кийим-кечаклар олиб келинди.

● «Қува ун» очик турдаги ҳиссадорлик жамиятида омухта ем ишлаб чиқариш цехи ишга туширилди. Бир кеча-кундузда 30 тонна маҳсулот берадиган корхонада ҳозирда 20 нафар маҳаллий ёшлар меҳнат қилмоқда.

● Бухоро вилоят ҳокимлиги, республика Автомобиль ва дарё транспорти агентлигининг молиявий кўмағида Бухоро шаҳрида троллейбуслар ҳаракати қайта тикланди.

● Когон туманидаги мактаблар сони яна биттага кўпайди. Ўзбачули қишлоқ фуқаролар йиғини ҳудудда 180 ўринли мактаб куриб, фойдаланишга топширилди.

● Жаҳонда

● Грузиянинг янги Президенти Михаил Саакашвилининг инаугурация маросими бўлиб ўтди. Президент Конституцияга содиқлиги тўғрисида қасамёд қилди.

● Филиппин суди мамлакатнинг собиқ Президенти Фердинанд Маркос ҳисоб рақамидagi пуллари (658 миллион доллар) ҳозирги ҳукуматга қайтариш ҳақида қарор қабул қилди.

● Британия газеталарида хабар берилишича, Туркия БМТ воситачилигида Кипрнинг греклар ва турклар ашайдиган қисмини бирлаштириш тўғрисидаги музокараларни тиклашга тайёрлигини билдирган.

● Бугун Ҳиндистонда миллий байрам — Республика кунини нишонланди.

● АҚШ миллий космик агентлиги (НАСА) январь ойининг бошларида Марс сайраси юзасига кулай кўнган «Спирит» космик кемаси билан тўлақонли алоқани йўқотди.

ПОЙТАХТНИНГ
Дир кўни

Янгиликлар, воқеалар

ҚИСКА

● ЎЗБЕКИСТОН халқ демократик партияси Марказий Кенгаши ташаббуси билан ўтказилган йиғилиш «Фуқаролар йиғини раиси ва унинг маслаҳатчилари сайлови тўғрисидаги» Ўзбекистон Қонуни муҳокама-масга бағишланди.

● ЎЗБЕКИСТОН банк-молия академиясида ўтказилган брифинг-семинар «Ўзе-

кистонда иқтисодий таълим ислохотлари» деб номланди. Ушбу тадбир Иқтисодий таълим Миллий кенгаши билан ҳамкорликда ташкил этилди.

● БАДИЙ академиянинг Марказий кўргазмалар залида Бадий академия фалсият бошлаганлигининг 7 йиллиги муносабати билан уюштирилган тадбирда мазкур академиянинг ҳақиқий аъзоларига гувонималар топширилди.

● ТОШКЕНТ банк коллежининг синфхоналари аудио, видео аппаратуралари билан тўлиқ таъминланди. Хорижликлар билан ҳамкорлик натижасида ўқув масканда толиби илмларга япониялик профессорлар сабоқ бера бошладилар.


● БУГУНДАН бошлаб шахримиздаги

меҳрибонлик уйлари, махсус мактаб-интернатлар ҳамда мурувват уйларида Курбон ҳайити байрами муносабати билан ободонлаштириш ишлари олиб борилади.

● БЕШИНЧИ февралдан Ўзбекистон Қизил Ярим ой жамияти Тошкент шаҳар кенгаши ҳисобида хайрия йиғиш ўн кунлиги бошланади.

● ШАХРИМИЗДА фаолит юритаётган фотолaborаториялар раҳбарлари иштирокда фотони молиялаштиришнинг лизинг усулига бағишланган тадбир ўтказилди.

Тошкент шаҳар ҳокимлиги Матбуот хизмати ва ўз мухбирларимиз хабарларидан.



Жаҳон ва маҳаллий ахборот воситалари хабарларидан

● Грузия маъмурияти собик Президент Шеварднадзе атрофидаги айрим қорчалонларнинг Швейцариядаги ҳисоб рақамларини «музлатиб» қўйишни Швейцария раҳбариятидан талаб қилди. Швейцария мазкур хатни эътироф этган ҳолда, ҳисоб-рақамлари «музлатилиши» лозим бўлган шахсларнинг кирдиркорлари ҳақида қўшимча исботлар жўнатилишини сўраган. Ҳозир Грузия бош прокуратураси батафсил ҳужжат тайёрлаш билан шуғулланмоқда.

● Ироқ армияси тарихида биринчи бор мамлакат Мудофаа вазирлигини ҳарбий бўлмаган одам бошқаради. Араб газеталаридан бири «Аш-Шарқ ал-Аусат» хабарига кўра, Америка генерали Дир Мур раҳбарлигида бўлиб ўтган Ироқ Муваққат коалиция маъмурияти ҳамда Бағдод Маслаҳат кенгаши вакиллари мажлисида шундай қарорга келинди.

● Бундан бир муддат олдин покистонлик олимлар ядро дастури билан боғлиқ махфий маълумотларни Эрон, Ливия ва Шимолий Кореяга қонунчи сотганликда айбланаётганлиги тўғрисида хабар тарқалган. Олимларнинг тергов қилинишига қарши уларнинг қариндош-уруғлари мамлакат парламенти бийоси олдига намоиш ўтказдилар. Намойишчилар олимларни миллат қахрамонлари даражасига кўтариб, уларга билдирилган ётган ишонсизликка қаршилик қилмоқдалар. Покистон ҳукумати АҚШ берган маълумотлар асосида тергов ўтказишни мўлжалламакда.

● Исроил махсус хизмати вакиллари томонидан «Ислом жиҳоди» ҳарбийлашган Ислом радикал ташкилоти бошлиқларидан бири Аҳмад Бсеис кўлга олинди. Аҳмад Бсеис Исроил ҳукуматиға қарши уюштирилган бир қанча терактларда айбланиб, қидирилмоқда эди.

● Эроннинг Исфохон вилоятида зилзила бўлиб ўтди. Техрон университети геофизика марказининг берган маълумотиға кўра, аҳоли пунктларидаги ер ости силкиниши Рихтер шкаласи бўйича 4,2 баллга етган. Кўпгина қадимий бинолар ва турар жойлар авария ҳолатига келган.

● Германия махсус хизмати мамлакатдаги АҚШ, Британия ва Исроил объектиларига нисбатан террорчилик хавфи кучаяётганлиги тўғрисида ахборот олди. Бу ҳақда «Ал-Жазира» телеканали Германия оммавий-ахборот воситалари берган маълумотларға таяниб хабар тарқатди.

● Сайёрамиздаги энг кекса аёл Индонезиянинг собиқ пойтахти Жокьякарте шаҳрида яшайди. Само Сантоно исми бу аёл 127 ёшга кирди. У ҳаётида жуда кўп воқеаларнинг гувоҳи бўлган. Лекин улар ичида энг ҳайратланарлиси Анак Крактау оролининг пайдо бўлишидир. Само Сантоно XIX асрда бу оролининг вулқонлар натижасида пайдо бўлишини ўз кўзи билан кўрган.

Ўзбекистон Республикаси Вазирлар Маҳкамасининг ҚАРОРИ

Кимё саноати корхоналарини бошқариш тузилмасини такомиллаштириш ва қишлоқ хўжалигиға агрокимё хизмати кўрсатишни яхшилаш чора-тадбирлари тўғрисида

Давоми. Боши 1-бетда.

2. Қуйидагилар «Ўзкимёсаноат» давлат акциядорлик компаниясининг асосий вазифалари этиб белгилансин:

кимё саноатини замонавийлаштириш, реконструкция қилиш ва техника билан қайта жиҳозлашға йўналтирилган ягона техника сибсати ўтказиш, ресурсларни тежайдиган самарали технологияларнинг жорий этиш, ишлаб чиқаришни ва бутловчи маҳсулотлар ишлаб чиқаришни маҳаллийлаштиришни ривожлантириш;

қишлоқ хўжалигининг минерал ўғитларға, ўсимликларни химоя қилишнинг кимёвий воситаларига, шунингдек иқтисодиёт бошқа тармоқларининг рақобатбардошли кимёвий маҳсулотларға бўлган жорий ва истиқболдаги эҳтиёжларининг маркетинг тадқиқотларини олиб бориш ҳамда уларға бўлган эҳтиёжни аниқлаш;

тармоқни ривожлантиришнинг кимё саноатини барқарор ривожлантиришға, рақобатбардошли кимё маҳсулотлари ишлаб чиқаришни кўпайтиришға, экспорт салоҳиятини кенгайтиришға қаратилган ўртача муддатли ва узок муддатли дастурларини ишлаб чиқиш ва амалға ошириш;

Ўзбекистон Республикаси Иқтисодиёт вазирлиги ҳамда бошқа манфаатдор вазирликлар ва идоралар билан биргаликда минерал ўғитлар, ўсимликларни химоя қилишнинг кимёвий воситаларини ишлаб чиқариш ва тақсимлашнинг ҳар йилги баланслари ишлаб чиқишликда қатнашиш;

минерал ўғитлар ва дефолиантларни сотиш бўйича ҳар йилги ярмарка савдолари ўтказилишини ташкил этиш;

хорижий ва Ватанимиз инвесторларини жалб этган ҳолда кимё саноати корхоналарини чўқур ислоҳ қилиш ва хусусийлаштириш;

менеджментнинг замонавий усулларини эғаллаган ва бозор шароитларида самарали ишлашға қодир бўлган муҳандис-техник кадрлар ва бошқарув кадрлари малакасини ошириш ва уларни қайта тайёрлаш.

3. «Ўзкимёсаноат» давлат акциядорлик компаниясининг ташкилий тузилмаси ва ҳодимларининг умумий чекланган сони 85 нафар, шу жумладан бошқарув ҳодимлари сони 56 нафар бўлган ижро этувчи аппарати тузилмаси;

«Қишлоқхўжалиқкимё» ҳудудий акциядорлик жамиятларининг, уларнинг туманларо ва туман филиалларининг намунавий тузилмалари тасдиқлансин.

Белгилансинки, Вазирлар Маҳкамасининг қарори билан тасдиқланадиган 13 кишидан иборат Компания кенгаши «Ўзкимёсаноат» давлат акциядорлик компаниясини бошқаришнинг юқори органи ҳисобланади.

«Ўзкимёсаноат» давлат акциядорлик компанияси бошқаруви раисига зарурият бўлганда ва Компания кенгаши билан келишган ҳолда ҳодимларнинг штатда белгиланган сони доирасида Компанияни бошқариш ижро этувчи аппарати тузилмасига ўзгартришлар киритишға рухсат этилсин.

Белгилаб қўйилсинки, «Ўзкимёсаноат» давлат акциядорлик компанияси бошқаруви 4 кишидан, шу жумладан раис ва унинг 3 нафар ўринбосаридан иборат бўлади. Раис ва унинг ўринбосарлари юқори бошқарув органи томонидан сайланади, кейинчалик Ўзбекистон Республикаси Вазирлар Маҳкамаси томонидан тасдиқланади ҳамда маиший таъминот, тиббий ва транспорт хизмати кўрсатиш шартшароитларига кўра раис вазирға, биринчи ўринбосар - вазирнинг биринчи ўринбосарига, раис ўринбосарларига эса - вазир ўринбосарларига тенг-

лаштирилади.

4. Белгилансинки, «Қишлоқхўжалиқкимё» Қорақалпоғистон республика ва вилоят акциядорлик жамиятлари бошқаруви раислари Қорақалпоғистон Республикаси Вазирлар Кенгаши Раиси ва вилоят ҳокимларининг тақдимномасига кўра «Ўзкимёсаноат» давлат акциядорлик компанияси бошқаруви раиси томонидан лавозимға тасдиқланадилар.

5. Белгилаб қўйилсинки, «Қишлоқхўжалиқкимё» ҳудудий акциядорлик жамиятлари:

юридик шахс сифатида ташкил этилади ва «Ўзкимёсаноат» давлат акциядорлик компанияси таркибига киради;

ўз туманларо ва туман филиаллари орқали тегишли ҳудуд бўйича ҳақиқий талабни ўрғанадилар, буюртманомаларни умумлаштирадилар ҳамда пировард истеъмолчилар - қишлоқ хўжалиги ишлаб чиқарувчилари билан минерал ўғитлар ва ўсимликларни кимёвий химоя қилиш воситаларининг аниқ турларини етказиб бериш юзасидан шартномалар тузадилар;

ҳар йили 1 октябрдан кечикмай, қишлоқ хўжалиги ишлаб чиқарувчиларининг буюртманомаларини умумлаштириш асосида республика вилоятлари бўйича минерал ўғитлар ва ўсимликларни кимёвий химоя қилиш воситаларига бўлган эҳтиёж прогнозини шакллантирадилар ҳамда минерал ўғитлар ва ўсимликларни кимёвий химоя қилиш воситаларини ватанимиз ишлаб чиқарувчи корхоналарида ишлаб чиқариш бўйича келгуши йил дастурини ўз вақтида тайёрлаш учун «Ўзкимёсаноат» давлат акциядорлик компаниясига тақдим этадилар.

6. Қуйидаги тартиб белгилансин, унга кўра:

2004 йилдан бошлаб ишлаб чиқарувчи корхоналар томонидан минерал ўғитларнинг асосий турларини ва дефолиантларни улгуржи сотиш юзасидан шартномалар (контрактлар) тузиш ҳар йили ўз маҳсулотларининг кўргазма-сотувини ташкил этган ҳолда ярмарка савдоларида амалға оширилади;

минерал ўғитлар ва дефолиантларни ишлаб чиқарувчи корхоналар ва импорт қилувчилар - бир томондан, улгуржи харидорлар - «Қишлоқхўжалиқкимё» ҳудудий акциядорлик жамиятлари ва маҳсулотнинг бошқа улгуржи истеъмолчилари - иккинчи томондан ярмарка савдолари қатнашчилари ҳисобланадилар;

шартномалар тузиш ҳамда минерал ўғитлар ва дефолиантларни сотиш бўйича ярмарка савдолари ҳар йили, прогноз йилидан олдинги йилнинг октябр-ноябрь ойларида ўтказилади.

Кўрсатиб ўтилган вазифани амалға ошириш учун:

«Ўзкимёсаноат» давлат акциядорлик компанияси ижро этувчи аппарати тузилмасида минерал ўғитлар ва дефолиантлар ярмарка савдоларини ташкил этиш бўлими ҳамда доимий фаолият кўрсатувчи ярмарка қўмитаси ташкил этилсин;

Ўзбекистон Республикаси Молия вазирлиги, Иқтисодиёт вазирлиги «Ўзкимёсаноат» давлат акциядорлик компанияси ҳамда Қишлоқ ва сув хўжалиги вазирлиги, бошқа манфаатдор идоралар билан биргаликда буюртмаларни шакллантириш, ярмарка савдоларини ўтказиш, қишлоқ хўжалиги ишлаб чиқарувчиларига етказиб бериладиган минерал ўғитлар ва бошқа кимёвий маҳсулотларни сотиш ҳамда улар учун ҳисоб-китоб қилиш тўғрисидаги низомни бир ой муддатда ишлаб чиқинлар ва белгиланган тартибда тасдиқласинлар.

7. «Ўзкимёсаноат» давлат акциядор-

лик компаниясининг минерал ўғитлар ишлаб чиқарувчи корхоналари томонидан воситачилик шартномалари бўйича ва «Қишлоқхўжалиқкимё» ҳудудий акциядорлик жамиятларининг оморларида жавобгарлик остида сақлаш учун минерал ўғитлар жўнатиш тақиқлансин.

«Ўзкимёсаноат» давлат акциядорлик компанияси кенгаши минерал ўғитлар ишлаб чиқарувчи корхоналарға махсус жиҳозланган оморхоналар ажратиш ва бериш масаласини, ишлаб чиқарилган маҳсулотни сақлаш хавфсизлиги режими қатъий равишда таъминланишини назарда тутиган ҳолда, бир ой муддатда қўриб қиссин.

8. Белгилансинки, «Қишлоқхўжалиқкимё» ҳудудий акциядорлик жамиятларининг чакана савдо тармоғи орқали деҳқон ва фермер хўжалиқларига сотиладиган минерал ўғитлар ва кимёвий препаратларға қўйилган қиймат солиғи солинмайди.

9. «Ўзкимёсаноат» давлат акциядорлик компанияси кенгаши бир ой муддатда:

«Қишлоқхўжалиқкимё» ҳудудий акциядорлик бирлашмалари, туманларо ва туман филиалларининг фаолиятини мукаммал ўрганиб чиқсин ҳамда уларни «Қишлоқхўжалиқкимё» ҳудудий акциядорлик жамиятларига айлантиришға доир ташкилий чора-тадбирларни амалға оширсин, шунингдек уларнинг раҳбарлари аттестациядан ўтказилишини таъминласин;

«Ўзкимёсаноат» давлат акциядорлик компанияси ижро этувчи аппаратининг штатдаги ҳодимлари сонини қайта қўриб қиссин, уни юқори маълум кадрлар билан бутласин, мазкур қарорни ҳисобға олган ҳолда Компаниянинг янги уставини тасдиқласин;

Ўзбекистон Республикаси Давлат мулки қўмитаси, Молия вазирлиги билан биргаликда «Ўзкимёсаноат» давлат акциядорлик компанияси ҳамда «Қишлоқхўжалиқкимё» ҳудудий акциядорлик жамиятларининг устав фондларини мазкур қарорга мувофиқлаштирсин.

10. Ўзбекистон Республикаси Президентининг 2004 йил 16 январдаги Ф-1893-сон фармойиши билан ташкил этилган Махсус ишчи гуруҳ бир ой муддатда тугатиш комиссиясини тузсин ҳамда «Ўзқишлоқхўжалиқкимё» давлат акциядорлик компаниясини тугатишға доир тадбирларни белгиланган тартибда амалға оширсин.

11. Қуйидагилар:

калийли ўғитлар етказиб бериш бўйича - «Ўзкимёсаноат» давлат акциядорлик компанияси;

тегишли ҳуқуқ ва мажбуриятлар, шу жумладан илгари тузилган импорт контрактлари бўйича - «Қишлоқхўжалиқкимё» ҳудудий акциядорлик жамиятлари тугатилаётган «Ўзқишлоқхўжалиқкимё» давлат акциядорлик компаниясининг ҳуқуқий ворислари этиб белгилансин.

12. Ўзбекистон Республикаси Адлия вазирлиги, Молия вазирлиги, «Ўзкимёсаноат» давлат акциядорлик компанияси манфаатдор вазирликлар ва идоралар билан биргаликда қонун ҳужжатларига мазкур қарордан келиб чиқувчи ўзгартриш ва қўшимчалар тўғрисида бир ой муддатда Ўзбекистон Республикаси Вазирлар Маҳкамасига тақлифлар киритсинлар.

13. Мазкур қарорнинг бажарилишини назорат қилиш Ўзбекистон Республикасининг Бош вазири Ш.Мирзиёев зиммасига юклансин.

Вазирлар Маҳкамасининг Раиси
И.КАРИМОВ

Тошкент шаҳри,
2004 йил 23 январь

Санаат

ЯНГИ ФИЛЬМ
МОСКВАДА
КЎРСАТИЛАДИ

«Ўзбекелефильм» киностудиясида яратилган «Дев билан пакана» бадий фильми томошабинлар томонидан яхши кутиб олинди.

Истеъдодли кинорежиссёр Жаҳонгир Қосимов постановкасида экранлаштирилган бу қувноқ фильми янада омалаштириш тадбирлари кўрилмоқда.

Ушбу экран асарини рус тилига дубляж қилиш ишлари ҳам бошланди. У дастлаб Москва томошабинлари эътиборига ҳавола қилинади. Россия Федерациясининг пойтахтида намойиш қилинадиган янги ўзбек фильмлари кўриги дастурига «Дев билан пакана» ҳам киритилди.

Бу маданий тадбир февраль ойида амалга оширилади.

КИЧИК САҲНАДА

ЯНА БИР АСАР

Республикамиз кўғирчоқ театрлари репертуаридан ўрин олган қатор қувноқ спектакллари истеъдодли болалар ёзувчиси Кавсар Турдиева пьесалари асосида саҳна юзини кўрган.

Тошкент Давлат педиатрия-тиббий институтининг ўзбек тили кафедрасининг муdiri сифатида фаолият кўрсатаётган иқтидорли қалам соҳиби Янги йил арафасида «Обод маҳаллам кўчалари» деб номланган шеърли тўпلامни ёш китобхонларга тақдим этди.

Навбатдаги кўғирчоқ спектакли сценарийсини ҳам ёзиб тугатди.

Кўғирчоқ театри санъатига бағишланган республика анжуманида Самарқанд вилояти кўғирчоқ театрининг «Кичик саҳна» усталари мактаб ўқувчилари ҳаётига бағишланган ушбу асарни постановка қилишга киришди.

«АНОРЛАР»

ЖОЗИБАСИ

Ўзбекистон Халқ расоми Рўзи Чориев ижодида табиат манзаралари тасвири акс этган картиналар ҳам муҳим ўрин тутди. Мўйқалам устаси кейинги вақтда пейзаж жанрида қатор янги асарлар яратди.

Унинг «Анорлар» деб номланган картинаси бу ижод намуналари орасида ажралиб туради. Унда расомнинг лирик туйғулари ўз жозибаси билан яққол кўзга ташланади. Дашнобод анорининг пишиб етилиши манзараси кўриниши моҳир расомларга хос рангоранг тасвирлар орқали янада нафислик бахш этди.

Ушбу картина Ўзбекистон Бадий академияси Марказий кўرғазмалар залида очилган «Табиат ва расом» мавзусидаги кўрғазмада энг яхши экспонатлардан бири деб баҳоланди.

Акбар АЛИЕВ

"КЕЕРЛИФТ"НИНГ МУРУВВАТИ

Республика Шошилиң тиббий ёрдам марказига халқаро Carelift International хайрия ташкилотининг дори-дармонлар ва тиббий ускуналардан иборат 120 минг долларлик юки топширилди.

Мазкур ташкилот ўн йилдирки, иқтисодий ислохотлар ўтказилаётган кўпгина мамлакатлар соғлиқни сақлаш муассасаларини биотиббий техникалар билан таъминлаб келади. У янги ва АҚШ тиббиёт муассасаларида истеъмолда бўлган ускуналарни харид қилиб, жаҳоннинг кўпгина мамлакатларига юборди.

— Келтирилган юклар шошилиң тиббий ёрдам марказини тезкор тиббий ёрдам кўрсатиш учун зарур бўлган воситалар билан таъминлайди. Булар ЭКГ, жароҳлик кўлқоплари ва никоблари, дока, жароҳлик тикув материаллари ва оғир ахволдаги беморларга мўлжалланган бешта замонавий каравотдан иборат, деди АҚШ халқаро тараққиёт агентлиги (USAID)нинг соғлиқни сақлаш масалалари бўйича маслаҳатчиси Андреас Тамберг. — Аёллар саломатлиги марказлари эса микроскоплар, скрининг тўпламлари, стетоскоп ва отоскоплар олишди. Шу

нингдек, Carelift International тиббиёт ходимларига ускуналардан фойдаланишни ўргатади. Бу АҚШ ва Ўзбекистон ҳамкорлиги ривожининг яна бир далилидир.

Ўзбекистон Соғлиқни сақлаш вазирининг биринчи ўринбосари А.Ҳожибоевнинг таъкидлашича, Ўзбекистонда соғлиқни сақлаш тизимини ислох этишда ўн бешдан зиёд халқаро ташкилот анча ишларни амалга оширмоқда. Шулардан бири бўлган Carelift International 2000 йилдан буён Ўзбекистоннинг Шошилиң тиббий маркази, унинг Фаргона бўлими, шунингдек Тошкентдаги Аёллар саломатлиги марказларига 730 минг долларлик тиббий ускуналар ва материаллар жўнатди.

— Гап инсонларварлик юкларининг баҳосида эмас, балки ҳамкорларимизнинг бизга бегараз ёрдам кўрсатишга бўлган интилишида, деди А. Ҳожибоев. Жорий

ЯПОНИЯ ҲУКУМАТИНИНГ
НАВБАТДАГИ ГРАНТИ

Ўзбекистон Республикаси Ташқи иқтисодий алоқалар агентлигида Ўзбекистон ва Япония ҳукуматлари ўртасида бегараз ёрдам кўрсатиш бўйича ноталар алмашиш тўғрисидаги протокол имзоланди.

Ҳужжатларга Ўзбекистон Республикаси Бош вазирининг ўринбосари, ташқи иқтисодий алоқалар агентлиги раиси Элёр Ғаниев ҳамда Япониянинг мамлакатимиздаги Фавқулодда ва мухтор элчиси Акио Кавато имзо чекди.

Қиймати 230 минг АҚШ долларига тенг биринчи лойиҳага биноан Самарқанд давлат чет тиллар институтининг лингафон кабинети замонавий асбоб-ускуналар билан жиҳозланади.

Урта махсус ва касб-хунар таълими ўқитувчилари малакасини оширишга мўлжалланган лойиҳа доирасида эса

Асака, Бешкент, Бухоро, Наманган, Нукус, Тошкент, Урганч, Ургут ва Қўқон шаҳарларидаги касб-хунар коллежлари негизиде 16 йўналиш бўйича педагогик ходимлар малакасини ошириш ва қайта тайёрлаш марказини ташкил этиш ҳамда ўрта махсус ва касб-хунар таълимининг ривожлантириш институтининг услубий негизини яхшилаш, техникавий жиҳозлаш режалаштирилган. Мазкур лойиҳа учун Япония ҳукумати томонидан 6,4 миллион долларлик маблағ ажратилди.

ЎЗА

Анжуманлар

ТУМАН КЕНГАШИ ТУЗИЛДИ

«Ўзгазлойиҳа» институтида Ўзбекистон Либерал-демократик партиясининг Собир Раҳимов туман конференцияси бўлиб ўтди.

Туманда фаолият юритаётган корхона ва ташкилотлар, кичик ва хусусий бизнес, тадбиркор ва турли соҳа вакиллари таклиф этилган анжуманда юртимизда амалга оширилаётган ислохотлар, мамлакат тараққиётига муносиб ҳисса қўшишга бел боғлаган тадбиркорларга давлатимиз томонидан яратилаётган имтиёз ва имкониятлар, янги партиянинг мақсад ва вазифалари ҳақида тўлиқ маълумот берилди.

Тадбирда сўз олган Тадбиркорлар ва ишбилармонлар ҳаракати — Ўзбекистон Либерал-демократик партиясининг ижроия кўмитаси раиси Қобулжон Тошматов жамият ҳаётининг барча соҳаларини эркинлаштириш ва демократлаштириш жараёнида тадбиркорлар ва ишбилармонлар партиясининг алоҳида ўрни бўлиши, мамлакат истикболи, унинг ижтимоий-иқтисодий тараққиёти, ёш авлодни бозор шароитида бемалол рақобатлашга оладиган етук мутахассислар қилиб вояга етказиш йўлида ҳамкорликда, ҳамжихатликда иш олиб бориш зарурлигини айтиб ўтди. Шунингдек партиянинг асосий устувор мақсади эса — инсоннинг ҳақ-ҳуқуқи ва эркинлиги, тадбиркор ва ишбилармонлар, мулкдорлар қатламини химоя қилиш ва унинг сафларини дунёқараши кенг, юксак салоҳиятга эга, замо-

навий технологияларга асосланган ишлаб чиқаришни ташкил қила олиш қобилиятига эга кишилар билан

лар.

Анжуманда «Тошкентмелбел» ҳиссадорлик жамияти бошқаруви раиси



кенгайтиришга қаратилганлигини таъкидлади.

«Орзуластик» қўшма корхонаси бошқаруви раиси Абдушукур Мухамедов, «Олмос-текст» масъулияти чекланган жамият директори Садриддин Шаҳобиддиновлар ҳам ўз сўзларида Ватанининг бугуни ва эртаси учун қайғурадиган тадбиркорлар, кичик ва хусусий бизнес вакиллари ҳақ-ҳуқуқларини химоя қилидиган янги партиянинг дунёга келиши жуда керакли ва ўз вақтида бўлгани ҳақида фикр билдириб, партия ўз мақсад-вазифаларини ҳар бир инсонга еткази олиш йўлида доимо ҳаракатда бўлиши лозимлигини айтиб ўтдилар ва бу борада барчани ҳамкорликка қаҳқирди-

Тўрабек Назаров партиянинг туман кенгаши раиси этиб сайланди. Шу билан бирга туман кенгаши назорат-тафтиш комиссияси таркиби ҳам сайланди.

Шунингдек Яқкасарой ва Мирзо Улуғбек туманларида ҳам Тадбиркорлар ва ишбилармонлар ҳаракати — Ўзбекистон либерал-демократик партиясининг туман кенгашилари тузилди.

Шаҳримиз туманларида партия конференциялари бўлиб ўтмоқда.

Шоира МУҲАМЕДОВА

СУРАТДА: Собир Раҳимов туманида бўлиб ўтган анжумандан лавҳа.

Ҳакимжон Солиҳов олган сурат.

йилда Carelift International Тошкент педиатрия кардиология маркази жароҳлик ва реанимация бўлимини тўлиқ жиҳозлашни режалаштирмоқда. Соғлиқни сақлаш вазирлиги билан ҳамкорликда амалга оширилаётган ушбу лойиҳага кўра марказ эндиликда юрак хасталикларига чалинган болаларни янада кўпроқ операция қила олади.

Carelift International раҳбари Жеффри Глосс шу йилнинг март ойигага болалар кардиология марказига 250 минг долларлик ускуналар келтирилишини маълум қилди.

Илгарилари бу марказда йилга юрак жароҳлиги бештадан ошмаган бўлса, янги ускуналар билан жиҳозлангач, улар сони 215 тага етди. Июнь ойидан бошлаб эса иккинчи жароҳлик хонаси очилди. Бу операциялар сони 400 тага етказиш имконини беради. Ўзбекистонда йилга беш мингга яқин юрак пороги билан чақалоқлар туғилишини назарда тутсақ, демак, марказнинг техник имкониятлари яхшилангани тўғрисида юзлаб болажонларнинг ҳаёти сақлаб қолинади.

А.АЗИМОВ,
«Туркестон-пресс»

Иқтисодиёт

ЗАМОНАВИЙ ВА
КУЛАЙ ЁРИТГИЧЛАР

Биламизки, кишининг ижодкорлик қайфиятига хонадаги айрим безаклар билан бир қаторда ёруғлик нури ҳам жуда катта таъсир этади. Электр лампаларидан таралаётган нуруларнинг кучли ёруғлиги одамни янада сергаклантиради, ҳаракатга ундайди. Агар ушбу нурулар фақат оддий лампадан эмас, балки чиройли қандиллардан, ажойиб шакл ва ҳажмдаги ёритгичлардан таралсачи? Унда янаям кўнгилли бўлади.

Хар хил турдаги гуллар шаклини ўзига муассамлаштирган уч ва тўрт лампали қандиллар, шар ва пахтасимон ёритгичлар, шунингдек, ПВЛП 2х40, ЛПО 2х40 ҳажмдаги люминисцент электр лампаларини ишлаб чиқаришга ихтисослашган «Nur-El Biznes» масъулияти чекланган жамиятнинг ташкил топганига ҳали кўп вақт бўлгани йўқ. Илгари фаолият олиб борган «Виза» корхонаси ўрнида ташкил этилган ушбу жамоада ҳозирда Россиядан келтирилган полистирол хом ашёси ҳамда металлга ишлов бериш орқали турли ҳажм ва шаклдаги ёритгичлар тайёрланмоқда. 15 турдаги ёритгичларнинг асосий қисми корхонанинг ўзида, қайта ишланган хом ашё асосида йиғилади. Шаҳримиздаги «Олмос-толмас» шўъба корхонасида ишлаб чиқарилаётган шарсимон, пахтасимон ва цилиндрсимон ёритгичларнинг устки қисми жамият томонидан шартнома асосида сотиб олинади.

— Бизда тайёрланаётган электр ёритгичлар ишлатилиши жиҳатидан бир неча турларга бўлинади, — дейди «Nur-El Biznes» директори Нодир Бобоҳўжаев. — Асосан шарсимон ёритгичлар истироҳат боғларига, кўча йўлакларига ўрнатилади, цилиндрсимон ёритгичлар шифохоналарга, кўп буғланувчи ванналарга ўрнатилади, люминисцент ёритгичлар эса ўқув муассасалари, офисларга ўрнатилиши мумкин. Турли ҳажм ва рангдаги қандиллар эса халқ ҳўжалиги моллари ҳисобланади ва хонадонларга безак сифатида ўрнатилади. Асосан бундай қандилларни тайёрлашда унинг дастлаб чизма варианти танлаб олинади. Ўзига хос шакл ва безак бериш, майда қисмларни йиғиш ва ўрнатиш, ранг ва жило бериш каби барча жараёнлар корхонамизнинг қўли гул ходимлари томонидан амалга оширилади. Жамол Каримов, Олим Кодиров, Светлана Андрионовна, Арина Кимлар ана шундай ишчилардандир. Келгусидаги режаларимиз дастлаб махсулотимиз сифатини яхшилаш билан бирга турларини ҳам кўпайтиришдир. Шунингдек шартнома асосида йилга 500 миллион сўм миқдорда махсулот ишлаб чиқариш ниятимиз. Мақсадимиз эса яқин йиллар ичида ички бозоримизни импорт ўрнини боса оладиган махсулотлар билан тўлдиртиришдир.

Орзугул РУСТАМОВА

Шу боисдан 2003 йил 6 майда Республика Президентининг «Капитал қурилишида иқтисодий ислохотларни янада чуқурлаштиришнинг асосий йўналишлари тўғрисида»-ги Фармони ва шунга асосан 2003 йил 3 июлда Вазирлар Маҳкамасининг «Капитал қурилишида танлов савдолари тизимини такомиллаштириш чора-тадбирлари тўғрисида»-ги қарори чиқди. Ушбу муҳим ҳужжатлар Давлат архитектура ва қурилиш қўмитаси жамоаси олдида ҳам аниқ вазифаларни қўйди. Мухбиримизнинг қўмита республика пудрат савдоларини ташкил этиш бошқармаси бошлиғи ўринбосари Омилхон АХРОРҲУЖАЕВ билан суҳбати қарор ижросини таъминлаш борасидаги сай-ҳаракатлар ҳусусида бўлди.

— Омилхон Акбарович, ушбу қарор асосида ўтган йилда пудрат савдоларини ташкил этишда сезиларли ўзгаришлар бўлди. Ана шу ҳақда маълумот берсангиз.

— Мамлакатимизда танлов савдолари 1997 йилдан буюн ўтказиб келинади. 2003 йилгача бу борада ҳукуматимизнинг бир қанча қарорлари қабул қилиниб, уларнинг ҳар бири ўз даврида капитал қурилишида пудрат ишлари бозорини шакллантиришда муҳим аҳамият касб этди.

2003 йилдаги Президентимиз Фармони ва Вазирлар Маҳкамасининг қарори эса фаолиятимизда бурилиш даврини бошлаб берди. Ушбу ҳужжатлар талабларидан келиб чиққан ҳолда танлов ҳужжатлари тайёрланиб, уларга қўшимча шартлар киритилди. Яъни, шартномавий мажбуриятларнинг бажарилиши ижроси мониторингини олиб бориш, кредит маблағлардан фойдаланган ҳолда молиялаштириш, пудрат ташкилотларида объектнинг қийматиға нисбатан 20 фоиздан кам бўлмаган айланма маблағларнинг мавжудлиги, тақлифларни техник ва молиявий баҳолашдаги малака олди талаб олиш мезонларига аниқликлар киритилиб, конкретлаштирилди, капитал қурилишда икки босқичли танлов савдоларини ўтказиш ҳақидаги Низом ишлаб чиқилди. Бир қанча ҳужжатларга қўшимча ва ўзгартиришлар киритилиб Адлия вазирлиғи томонидан расмийлаштирилди.

Ўтказилаётган танлов савдоларида ошкоралик, тиниқлик ва талабдорларга тенг шартлилар яратиб бериш чора-тадбирлари қўрилди. Масалан талабдорларнинг ишлаб чиқариш кучларини, ўқаш объектларда ишларни бажаришда ортирган иш тажрибасини, техник, молиявий ва ишчи кучи захираларини баҳолашда баллар тизими татбиқ этилди. Танлов савдоларида муносиб ҳолибни аниқлаш, оферталарни баҳолашда учинчи шахсларнинг аралашмаслиги ёки савдоларга расман ёндошмасликларни йўлга қўйилди. Шунингдек, ҳар бир объект бўйича танлов савдоларини ўтказиш ҳақидаги маълумотларни барча пудратчи ташкилотларга оммавий ахборот воситаларида эълонлар орқали хабардор этиш йўлга қўйилди. Бундан ташқари савдо ва

уларнинг натижалари ҳақидаги маълумотлар «Давархитех-турчилик» қўмитаси вебсайтига доимий равишда жойлаштирилмоқда.

Вазирлар Маҳкамасининг юқоридаги қарори билан тасдиқланган Низомларни ойдинлаштириш ва татбиқ этиш масалалари бўйича жадвал асосида Тошкент шаҳри, Қорақалпоғистон Республикаси ва барча вилоятларда 28 тадан ортиқ семинар-йиғилишлар ўтказилди. Ошкораликни таъминлаш мақсадида танлов комиссияси таркибига жамоатчиликнинг турли қатламлари жалб этилмоқда.

— Аамалга оширилаётган чора-тадбирлар самараси ўтказилаётган тендер савдоларида сезилатми?

— Албатта, 2003 йил давомида ўтказилган танлов савдоларининг тақлили шунки кўрсатадики, уларнинг ўсиш динамикаси ортди, яъни 2002 йилга нисбатан Тошкент шаҳрида 3,3 баробардан, Бухоро вилоятда 2,8 баробардан зиёددлиги кўринди. Бундай ижобий ҳоллар бошқа вилоятларда ҳам кузатилмоқда. Яна марказлаштирилган бюджет ҳисобига молиялаштиришга тегишли бўлмаган танлов савдоларининг сони ҳам ортиб бораётганини таъкидлаб ўтиш керак. Агарда 2001 йилда бундай танлов савдолари бирорта ҳам ўтказилмаган бўлса, ўтган йилда 90 та ана шундай савдолар бўлиб ўтди. Шунингдек, қурилаётган чора-тадбирлар натижасида танлов савдоларида кўпроқ талабдорлар иштирок этмоқда. 2002 йилда ҳар бир танлов савдоларида 3 тадан талабдор бўлса, ўтган йили ушбу рақам 5 тадан ортди. Айрим савдоларда эса 8 тадан зиёд талабдор бўлди. Улар тузиладиган шартномаларнинг бажарилишига керакли бўлган кафолатларни бериб, шу билан бирга етмаётган айланма маблағларни таъминловчи банк кафолатларини ҳам тақлиф этдилар.

Юқоридаги қарорда белгилаб берилганидек, қиймати 25 миллион АҚШ долларидан кам бўлган шартномалар ту-

зишнинг янги тартиби йўлга қўйилиб, яъни рақобат ҳужжатлари бўлганидек энг яхши тақлифи берган талабдор билан тўғридан тўғри шартнома тузиш кўзда тутилди. Ўтган йилда бундай шартномаларнинг 30 таси тузилди.

Савдо ташкилотларининг ҳам сони ортди. Ўтган йилда ўтказилган танлов савдоларида пудрат ташкилотлардан танлов ҳолибни аниқлашда мулкчилик шаклидан қатъи назар 2749 та талабдор иштирок этди. Шу билан биргаликда ўтказилаётган танлов савдоларининг сифати ҳам ортиб бормоқда. Бундан ташқари савдо иштирокчилари ҳам эътироф этишмоқда.

— Танлов савдоларини ўтказишда қандай муаммоларга дуч келинмоқда?

— Қилинаётган сай-ҳаракат ва қурилаётган чора-тадбирларга қарамай айрим муаммоларни ҳал этишда қийинчиликлар сезилмоқда. Баъзи пудрат ташкилотлари айланма маблағ ҳажми етишмаслиги боис ҳам жуда хохласаларда танлов савдоларида қатнаша олмайдилар. Қўлчилик қурилиш ташкилотларида техника ва ускуналар эскирган бўлганига жавоб бермайди. Фойдаланиш ҳақи қуввати ўзгариб бормоқда.

Ханузгача буюртмачи, пудрат ташкилотлари ва банклар ўртасидаги бир-бирини тушуниш талаблар даражасида эмас. Ислохотларни олиб боришда қонунчилик ва норматив ҳужжатларга ўзгаришлар киритилаётганига, молиялаштириш ишларини олиб бораётган айрим банклар томонидан буюртмачилардан объектлар танлов савдолари орқали қурилаётганига қарамай, қурилиш-монтаж ишлари эвазига туловларни бажаришда йўриқномаларда кўзда тутилмаган турли хил кўринишдаги ҳисобот-жадвалларни (Ф-2 форма) талаб қилиш давом этмоқда. Молиялаштириш органлари томони-

дан ажратилган маблағларга банкларнинг қўшимча битимлар тузилиши ҳақидаги талаби буюртмачиларнинг ўз вақтида маблағ билан таъминлаш учун жавобгарлигидан озод қилади ва бу ўз навбатида объектни вақтида, яъни белгиланган муддатда фойдаланишга топширишга ҳалақит беради.

Капитал қурилишида танлов савдоларини ўтказиш ҳақидаги Низом ва танлов ҳужжатларида белгиланган шартларни танлов комиссияси томонидан бузиш ҳоллари ҳам учраб турибди. Шунингдек, танлов комиссияларининг таркибига киритилган вазирлик, қорхона ва ташкилотларнинг вакиллари савдоларни ўтказишда ўз вазифаларига совуққонлик билан қарамоқда. Масалан, ўтган йилда комиссия таркибидagi вазирликнинг Тошкент шаҳри бўйича фаолияти таҳлил қилинганда, 5 та объект бўйича ана шундай ҳолат аниқланган.

— 2004 йил объектларини қуриш учун пойтахтимизда бунёд этиладиган иншоотларнинг танлов савдоси ҳусусида ҳам тўхталсангиз.

— Пойтахтимизда жорий йилда қад ростиладиган 5 та янги объектнинг 4 таси бўйича ўтган йил декабрь ойида, қолган биттасига эса жорий йил бошида танлов савдолари ўтказилди. Ушбу объектлар қайта қуриш ишлари амалга ошириладиган. Ҳамза туманидаги авиация касб-хунар коллежи, Шайхонтоҳур туманидаги Охунбобоев номидаги табиёт коллежи, Собир Раҳимов туманидаги маданият коллежи, Чилонзор туманидаги Ю.Ражабий номидаги педагогика билим юрти ҳамда А.Икромов туманидаги миллий хунармандчилик коллежи биноларидир.

Танлов савдоларида мамлакатимиздаги турли мулкчилик шаклига эга бўлган қурилиш ташкилотлари билан бир қаторда хорижий давлатларнинг фирмалари ҳам иштирок этишмоқда. Улар орасида Туркиянинг «АПЕАС», «ДЕМИР», «АРГАС» фирмаларини алоҳида таъкидлаш ўринлидир.

Албатта, ушбу танлов савдоларининг талаблар даражасида ўтказилиши лойиҳа ва қурилиш ишларининг сифатли бажарилиши, меъморий безаш, қурилиш меъёрлари, қоида ва стандартларига риоя этилиши, иншоотларнинг муддатига фойдаланишга топширилиши ҳамда қурилиш ишлари қийматининг сунъий равишда оширилишига йўл қўймаслигини таъминлашда муҳим ҳисса бўлади.

Яна шунки алоҳида таъкидлаш лозимки, Президентимизнинг юқоридаги Фармони ва Вазирлар Маҳкамасининг қарори ижросини таъминлашда капитал қурилишда тўб ўзгаришларни амалга ошириш, тармоқда бозор иқтисодиёти тамойиллари ва талабларига мос келадиган ҳўжалик муносабатларини кенг жорий этишда ниҳоятда кўл келади. Шу боисдан ҳам жамоамиз ахли бу борада изланишлар олиб бориб, керакли чораларини кўради.

Сухбатдош Шарифа ИЛЁСОВА



Чилонзор туманидаги «Чилонзор» маҳалласидаги 800 та хонадонда 6 мингдан зиёд аҳоли аҳил-иноқ яшайди. Ўзлари яшаётган масканини обод этиш, саранжом-сарихталикни таъминлаш, ўзаро меҳр-оқибат ришталарини мустаҳкамлашга эътибор қаратилгани боис ҳам ушбу маскан чирой очмоқда.

Маҳаллаларда

ШИНАМ ЧОЙХОНА

Яқинда маҳаллада қарияларнинг хордик чиқариши, ёшларнинг бўш вақтларини намунали ташкил этиш мақсадида яна бир шинам гўша — «Оталар чойхонаси» қуриб битказилди. Уни бунёд этишда маҳалла фуқароси ва фаоли Жўра Исроиловнинг ҳиссаси катта бўлди.

— Ушбу бино маҳалламизга кўрк қўшиш билан бирга, — дейди «Чилонзор» маҳалласи фуқаролар йиғини раиси Саидвали Фозиев, — нуру-

нийларимиз учун ажойиб хордик чиқариш маскани бўлди. Унинг қад ростлашда маҳалла жонкуяри Жўра ака ва унинг фарзандлари кучгайрат кўрсатишди. Бу ерда нафақат қарияларимиз, маҳалламиз ёшлари ҳам ишдан бўш вақтларида йиғилишиб, отахонларимизнинг ажойиб ўғит ва масlahатларига қўлоқ тутадилар, шахмат-шашка ўйнаб, газета ва журналлар ўқишади. Маҳалламизда Жўра Исроилов сингари ҳиммати би-

ланд инсонлар кўплаб топилади. Насиб этса, ушбу Меҳр ва мурувват йилида ҳам маҳалладаги бунёдкорлик ишларини давом эттирамиз. Бу борада азалий анъана—хашар йўлидан унумли фойдаланиш ниятидамиз.

(Ўз мухбиримиз) СУРАТДА: маҳалла оқсоқоли Саидвали Фозиев (ўртада) янги қурилган оталар чойхонасида фаоллар билан навбатдаги иш режаси ҳусусида суҳбатлашмоқда; чойхонанинг кўриниши.



Қўшма қорхоналарда

ХОРИЖИКИ БИЛАН РАҚОБАТЛАШАДИ

Биноларимиз мустаҳкамлиги кўркамлигини таъминлашда сифатли қурилиш ашёларининг аҳамияти каттадир. Пойтахтимизда кенг кўламдаги бунёдкорлик ишларини амалга ошириш учун эса рақобатбардор қурилиш материалларидан унумли фойдаланилмоқда.

Шуни эътиборлики, ана шундай зарур ва юқори сифатли маҳсулотларни ўзимизда тайёрлашга қаратилаётган эътибор ҳам кишини қувонтиради. Ана шундай қорхоналардан бири Ҳамза туманида ўтган йилда фаолият бошлаган ва бугунги кунда маҳсулотлари ўз харидорларига эга бўлаётган «Деск Инвест» қўшма қорхонасидир.

Лойиҳа ишлаб чиқариш қуввати йилига 4200 тоннага тенг

бўлган ушбу қўшма қорхонада айни пайтда 11 та ишчи меҳнат қилмоқда. Қорхона цехлари Финляндиянинг «Sintech Oy» компаниясида тайёрланган асбоб-ускуналар билан жиҳозланган бўлиб, ушбу замонвий технологиялар ва мутахассислар малакаси асосида, қурилишда асқотадиган эгри профил (металл черепица)лар ишлаб чиқарилмоқда.

— Жорий йилда ишлаб чиқариш ҳажминини оширишни кўзда тутганимиз, — дейди қорхона раҳбари Анвар Раҳмонов. — Бунинг учун эса маҳсулот сифати ва турларига эътиборни кучайтирмиш. Бозорни ўрганиш, қурилиш ташкилотлари, буюртмачилар талабидан келиб чиққан ҳолда ишни ташкил этиб харидорларимиз сафининг кенгайтиришнинг режалаб турибмиз. Энг асосийси эса қорхонамизда замонавий технологиялар ёр-

дамида тайёрланаётган эгри профиллар четдан келтириладиган маҳсулот билан бемалол рақобатлаша олади. У зининг кўриниши, қўлай ва чидамлилиги билан ажралиб туради.

МОНОЛИТ ИНШОТЛАР УЧУН

Пойтахтимизда 2002 йилда ўз фаолиятини бошлаган яна бир қўшма қорхона «СА Paschal fort»да эса монолит иншоотларда фойдаланиладиган опалубкалар ишлаб чиқарилмоқда.

Ўзбекистон—Германия қўшма қорхонаси Тошкент шаҳар ҳокимлиги инвестиция бош бошқармаси ҳамда «Paschal werk» ва «Lamsal» компаниялари ҳамкорлигида ташкил этилган бўлиб, лойиҳа ишлаб чиқариш қуввати йилига 6 минг квадрат метрни ташкил этади.

Германиянинг «Paschal werk» компанияси томо-

нидан ишлаб чиқарилган ҳамда қорхона цехларига ўрнатилган дастгоҳларни бошқараётган 12 нафар малакали кадрларнинг меҳнати билан меҳнат фаолиятининг илк даврида 714,4 миллион сўмлик маҳсулот тайёрлашга муваффақ бўлинди. Маҳсулот сифатига қаратилаётган эътибор боис эса буюртмалар сони ортиб бормоқда. Шу сабабдан ҳам қорхона тadbirkorлари импорт ўрнини босувчи ва монолит иншоотларда фойдаланиладиган ушбу қурилиш ашёси ишлаб чиқариш ҳажмининг жорий йилда оширишни мўлжаллашмоқда. Қўзланган мақсад эса изланиш, харидор ва бозор талабини тинмай ўрганишни тақозо этади. Негаки рақобатбардор маҳсулот тайёрлашнинг ўзи қўлмайди. Уни хорижга экспорт қилиш эса алоҳида меҳнат ва изланиш талаб этади.

Дилноза ФИЁСОВА



Инсон учун касбдошлари орасида хурмат-эътиборга сазовор бўлиш, шунинг баробарида эл-юртга танилиш улкан бахт саналади. Бу бахтга муассар бўлиш учун эса анчагина меҳнат, ҳамкасблар билан баҳамжиҳат иш юритиш, уларга ҳар бир ишда тиргак бўлиш, билиму маҳоратни сарфлаш ҳам лозим бўлади.

Ишонадорларимиз

ИЗЛАНИШЛАРДАН ЧАРЧАМАЙДИ

Шунингдек, ўз касбини дилдан севиб, ардоқлаган одамгина эъзозга лойиқ бўлади. Хозирда Тошкент шаҳрини лойиҳалаш ва қайта қуриш институти (Тошгипрогор)да сидқидилдан меҳнат қилиб, шаҳримиз жамолини очиб, замонвий иншоотлар барпо этишда ҳисса қўшаётган Умирзқоқ Раҳимовни ана шундай инсонлар сирасидан десак, асло муболаға бўлмайд.

— Мен ўз вазифамни бажараяман, — дейди Умирзқоқ ака камтарлик билан. — Шу боисдан ҳам ортиқча мактовга лойиқ эмасман. Фақатгина касбимдан келиб чиққан ҳолда изланишга, эл-юртга маъқул бўладиган иншоотлар лойиҳасини яратишга интиламман. Шарқона ҳамда замонвий меъморчилик анъаналари уйғунлашган, кўрган қўзларни қувнатиб узок йиллар авлодларимизга хизмат қиладиган бинолар лойиҳаларини яратиш устида, шаҳримизга ҳар томонлама мос иншоотлар қурилишига муносиб ҳисса қўиш ниётида меҳнат қиладиган бехад фахрланаман.

Шуни қувонарлики, меҳнат қилсанг, албатта кадр топар экансан. Институтнинг 4-ўстахонаси лойиҳалар бош меъмори Умирзқоқ Раҳимовнинг ҳам меҳнатлари 2003 йилда муносиб баҳосини олди. Мустақиллигимизнинг 12 йиллиги арафасида меъмор «Дўстлик» ордени билан тақдирланди. Албатта, 30 йилдан зиёд қилган сай-ҳаракатлари давомида ўзбекистон Республикаси Меъморлар уюшмасининг дипломи, 2001 йилда ўтказилган Халқаро меъморлар уюшмасининг ҳамда Россияда ўтказилган «Сифат учун — 2001» кўрик-танловининг дипломлари билан тақдирланган. Болгарияда ўтказилган «Интерарх—84» халқаро танловининг лауреатидир. Ушбу унутилмас лаҳзаларнинг барчаси, шубҳасиз меъморнинг изланишлари, ҳар бир лойиҳа устида ҳамкасбу шогир-

длари билан чуқур мулоҳаза юритишлари ва натижада ушбу лойиҳалар асосидаги бунёд этилган биноларнинг кўркамлиги, барчага маъқул бўлаётганлиги самарасидир.

Инсон ҳамиша орзу билан яшайди. Умирзқоқ Раҳимов ҳам болалигидан бунёдкорликка меҳр қўйди. Шу боис ҳам мактабни тугатиб Тошкент политехника институти (ҳозирги Тошкент техника университети)га ўқишга кирди. У ёшлигидан расм чизиш ва чизмачиликка қизиққанлиги боис ҳам архитектура бўлимига ўқишга киришни, бу соҳа қурувчилик билан узвий

дирган ҳамкасбларим, жамоадoshларимдан мамнунман. Эндиги мақсад эса билдирилган ишончини оқлаш, эл-юрт хизматига ҳамишашай бўлиш, юртимиз бош шаҳрининг чиройини янада ошириш йўлида изланишлардан, сифатли лойиҳалар яратишдан чарчамаслиқдир.

Жорий йилда Умирзқоқ Раҳимов Фавкулдда вазиятлар вазирлиги биноси, 6 гектари эгал-

лайдиган Ботаника боғи қурилиш учун лойиҳалар яратмоқда. Келгусида метронинг «Мустақиллик» бекатида қад ростиладиган ёпик типдаги болалар кўнгилузор марказининг бунёдкорлик ишларини учун лойиҳа яратиш зиммасидаги вазифалардан саналади. Нима ҳам дердик. Излаган имкон топади, дейишди-ку, ахир. Қарамонимиз — лойиҳалар бош меъмори Умирзқоқ Раҳимов ҳам ана шундай изланишлардан чарчамай имкон топаётганлардан. Унинг меҳнатлари эса пойтахтимиздаги кўплаб тароватли бинолар жамолида аксини топган.

Шарофат БАХРОМОВА

СУРАТЛАРДА: лойиҳалар бош меъмори (ўртада) шогирдларидан маслаҳатларини аямайди; Умирзқоқ Раҳимов ҳамиша янгиликка интилади.

Ҳакимжон Солиҳов олган суратлар.

— Лойиҳа ишларини амалга оширишда иморатнинг чиройли ва кўркам бўлишига, миллий колоритга, хизмат кўрсатиш соҳасига мослигига, мустаҳкамлигига ва зилзилабардошлигига алоҳида эътибор қаратамиз, — дейди Умирзқоқ Раҳимов. — Ҳамкасбларим, мохир меъморлар Улугбек Аъзамов, Азиз Аҳадов, Мадина Меламед, Нодир Алимовлар билан ҳамкорликда иш юритамиш. Шунингдек, соҳа сирларини ўрганишга қўл билан интилаётган шогирдларимиздан ҳам маслаҳатимизни аямаймиш, уларнинг тақлифи ва мулохазалари ҳам биз учун асқотди. Муқофотга келадиган бўлсак, менга ишонч бил-

дирган ҳамкасбларим, жамоадoshларимдан мамнунман. Эндиги мақсад эса билдирилган ишончини оқлаш, эл-юрт хизматига ҳамишашай бўлиш, юртимиз бош шаҳрининг чиройини янада ошириш йўлида изланишлардан, сифатли лойиҳалар яратишдан чарчамаслиқдир.

Жорий йилда Умирзқоқ Раҳимов Фавкулдда вазиятлар вазирлиги биноси, 6 гектари эгал-

лайдиган Ботаника боғи қурилиш учун лойиҳалар яратмоқда. Келгусида метронинг «Мустақиллик» бекатида қад ростиладиган ёпик типдаги болалар кўнгилузор марказининг бунёдкорлик ишларини учун лойиҳа яратиш зиммасидаги вазифалардан саналади. Нима ҳам дердик. Излаган имкон топади, дейишди-ку, ахир. Қарамонимиз — лойиҳалар бош меъмори Умирзқоқ Раҳимов ҳам ана шундай изланишлардан чарчамай имкон топаётганлардан. Унинг меҳнатлари эса пойтахтимиздаги кўплаб тароватли бинолар жамолида аксини топган.

Шарофат БАХРОМОВА

СУРАТЛАРДА: лойиҳалар бош меъмори (ўртада) шогирдларидан маслаҳатларини аямайди; Умирзқоқ Раҳимов ҳамиша янгиликка интилади.

Ҳакимжон Солиҳов олган суратлар.

Шарқ дурдоналари

Оз-оз ўрганиб
домо бўлур...

• Буюкликка энг яқини ҳалолликдир.

• Агар одам ҳалолликдан юз ўгирса, шу қадар беҳисоб, ярамас иллатларга берилиб кетадики, оқибат натижада ҳаётнинг нопок йўлларида юришга одатланиб қолади.

• Ҳалоллик ҳар қандай мартабани безайди.

• Пасткаш таъмагирликдан кўра жазони афзал кўр, чунки жазо бир марта, таъмагирлик эса умрбод дилни сиёҳ қилади.

ХИКОЯТ. Кунлардан бир кунги бир киши ўралиб, муҳрланган бир халтачани дўстининг ҳузурига келтириб:

— Дўстим, мен сафарга чиқиб кетаётибман. Ичида минг олтин бўлган шу халтачани сенга омонатга топшираман, сафардан қайтиб келганимдан сўнг оламан, — деб халтачани топширди ва ўша кун сафарга чиқиб кетди. Сафари узок вақтга чўзилди.

Дўсти омонатга хиёнат қилиб, халтачанинг бир томонини сўқди, олтинларни олиб тангалар билан тўлғади, сўқилган жойини ҳеч ким билмайдиган қилиб тикиб қўйди.

Орадан 10 йил ўтгандан кейин омонат эгаси сафардан қайтиб келиб, дўстидан қўйган омонатини талаб қилди. Дўсти халтачани чиқариб берди, омонат эгаси халтачани очиб тангаларни кўргач, ҳайрон бўлиб дўстидан:

— Халтача ичидаги олтинларим қани? Нега тангалар билан алмаштирилган? — деб сўраганиди, дўсти инкор қилиб:

— Халтачанга нима солиб қўйган бўлсанг шундай турибди, қараб кўр, босган муҳринг ҳам бузилмаган, тагин нима даъво қиласан? — деди.

Омонат эгаси халтачани олиб шаҳар қозисининг ҳузурига бориб воқеани баён қилди. Қози жуда ақлли ва тадбирли одам эди. У дарҳол хиёнатчи дўстни қақриб олиб, омонат эгасининг шикоятини айтиди. Хиёнатчи дўст инкор этишда давом этди.

— Омонат қўйганингга неча йил бўлди? — деб сўраган эди, у киши омонат қилиб топширганига ўн йил бўлганини айтди. Қози ҳамма тангаларнинг босилган йилларига кўз ташлади. Тангалар босилганига 2-3 йилдан ортиқ бўлмаган эди. Қози хиёнатчи дўстга тангаларнинг босилган йилларини кўрсатган эди, у шарманда бўлиб қилган айбига иқдор бўлишга мажбур бўлди. Тадбирли, фаросатли қози олтинларни хиёнатчидан олиб, эгасига топширди.

Қозининг буйруғи билан хиёнатчи дўстни эшакка тескари миндирдилар. «Омонатга хиёнат қилган кишининг жазоси шундай бўлади», деб қичқариб шаҳар, кўча ва бозорларни айлантирдилар.

Байт:

Ўлгон бевиқор қилур

одамни,

Ўлгон шармисор қилур

одамни.

• Фақат ўзини ўйлайдиган ҳамма нарсадан ўзига манфаат излайдиган одам бахтли бўлолмайди. Ўзинг учун яшамокни истасанг, бошқалар учун яша.

ЎШЛАРИМИЗ ХОРИЖ
ЭЪТИБОРИДА

Юртимизда ёшларнинг таълим олиш борасида яратилган имкониятлардан кенг фойдаланиб, ўз ақл-заковати, истеъдоди ва куч-ғайратини тўла намоён этаётган йигит-қизларнинг нафақат мамлакатимизда, балки хорижий давлатларда ҳам катта эътибор қозонаётгани қувонарли ҳол.

Ўзбекистон давлат жаҳон тиллари университетининг ана шундай бир ғуруҳ истеъдодли, аълочи талабалари «Корея умумжаҳон кўмаги» жамғармасининг махсус стипендияси билан тақдирланди.

Мазкур жамғарманинг асосий мақсади иқтидорли ёшларни қўллаб-қувватлаш, янада янги изланишларга руҳлантириш ва шу орқали жамиятга ўзларининг муносиб ўринларини топишга кўмаклашишдан иборат.

Корея Республикаси президентининг давлат маслаҳатчиси, жамғарма раиси жаноб Чанг Ки Чуннинг таъкидлашича, университет билан ҳамкорликда биринчи марта амалга оширилаётган мазкур лойиҳа ўз самарасини бериши шубҳасиз. Шу боис уни яна ўн йилга узайтириш режалаштирилмоқда. Шу асосда ҳар йили фанларни аъло баҳолар билан ўзлаштираётган 40 нафар талаба танлаб олиниб, муносиб тақдирланади. Улар орасидан янада иқтидорлилари сараланиб, Жанубий Кореяга ўқишга жўнатилади.

Мазкур жамғарма Ангрен шаҳридаги 80 нафар аълочи ўқувчи ва талабага ҳам стипендия ажратди.

ЎЗА

Олий ўқув юртиларида чоп этилаётган кўп нусхали газеталар орасида «Агроном» ҳам кўплаб ўз мухлисларига эга. Тошкент давлат аграр университети муассислигида 1956 йилдан буён чиқаётган бу газетада яхши аълолар қарор топган.

НАФОСАТГА ЙЎҒРИЛГАН
САҲИФАЛАР

Ана шу саъй-ҳаракатга амал қилиб келаётган ушбу тахририят ўтган йилнинг ўзига қатор ибратли ишларни амалга оширди. Газета саҳифаларида университет педагогик ва илмий фаолиятида юз бераётган муҳим воқеалар мунтазам ёритилмоқда. Айни вақтда истеъдодли талабалар ижодини акс эттирувчи адабий саҳифалар ҳам газетхонлар эътиборига ҳавола этилмоқда.

— Олий ўқув юрти талабалари ва ўқитувчилари ижодий клубининг очилиши нур устига аъло нур бўлди, — дейди газета муҳаррири Ойгул Суюндиқова. — Тахририятимиз ҳузурда фаолият кўрсатаётган бу клубга ҳозир бадий ижод билан шуғулланаётган бир нечта истеъдод эгаси аъзо.

Клуб ўз олдига қатор вазифаларни қўйган. Йилда бир марта «Ёшлик альманахи»ни чоп этиш ҳам йўлга қўйилди. Шунингдек, алоҳида тўпламларни нашрга тайёрлашга киришилди.

Клубнинг бу каби жўшқин фаолияти бирин-кетин ўз ижобий натижаларини бермоқда. Шу ўринда янги чоп қилинган шеър тўпламларни мисол қилиб кўрсатиш жоиздир. Олий ўқув юрти ҳузурдаги академик лицейнинг ижодкор ёшларидан

Жамшид Ниёзов ва Садоқат Қорёғдиевалар қаламига мансуб бўлган бу нашрлар «Тонг» ва «Садо» деб номланди.

Уларнинг юзага келишида муҳаррир Ойгул Суюндиқованинг хизмати катта бўлди. У Ўзбекистон Ёзувчилар уюшмасининг аъзоси сифатида, ёш ижодкорларни газета атрофига тўплаб, уларни ижод сари илҳомлантиришда ўз бой тажрибасини ишга солмоқда. Шоиранинг «Умр куйлари», «Эътиқод» каби шеър тўпламлари ҳам ёш қаламкашлар томонидан севиб ўқилмоқда.

Юқорида айтилган «Тонг», «Садо» тўпламлари клуб тавсияси билан босмага тайёрланди. Улар университет ҳомийлигида шу олий ўқув юрти босмахонасида чоп этилди.

«Агроном» саҳифаларида «Университетимиз иқтидорли талабалари», «Талабаларимиз ижодидан» каби руҳлар ҳам пайдо бўлди. «Нафосат» саҳифасида ёритилаётган шеър ва ҳикоялар эса университет хотин-қизлар кўмитаси ташаббуси билан тайёрланмоқда.

«Агроном» ўзининг бундай ибратли саъй-ҳаракатини Янги йилда ҳам давом эттириб, газетхонлар ҳурматино қозонишни мақсад қилиб қўйди.

Ақбар АЛИЕВ



Премьердан сўнг

ДОДАГИНАМ

Юртбошимиз ташаббуси билан ушбу йилнинг Меҳр ва мурувват йили деб эълон қилиниши халқимизни беҳад қувонтирди. Бундай хайрли ниятлар озгина бўлсада айрим кишиларнинг кўзини очишга, атрофга теранроқ қарашга ундаса ажабмас.

Яқинда Муқимий номидаги Ўзбек давлат музика театрида Меҳр ва мурувват йилига бағишлаб ёзувчи ва драматург Набижон Хошимовнинг «Додагинам» номли икки пардали комедиясининг премьераси бўлиб ўтди.

Асарнинг асосий ғояси меҳр-мурувват туйғулари ҳақида бўлиб, ота ва ўғиллар ўртасидаги муносабатлар ўткир сатира қаламига олинган. Касб-корлари қассоб, амалдор, милиция ходими ва уста бўлган фарзандлар ўзларига тўқ яшасаларда, нафслари очди. Улар кексадай қолган оталарини қаровсиз қолдирадилар. Ота эса уларнинг меҳрига ташна, лекин фарзандларининг меҳрсиз муносабатларида у ўзини гуноҳкор деб ҳисоблайди. Маҳалладаги од-

дий дўкандор Хошим эса бу аҳволга чидай олмай ҳийла ўйлаб топади. Ҳийла эса иш беради. Шундан сўнг қаровсиз қолган ота ўғиллару келинлар ўртасида талаш бўлади. Ота бечора лоақал тинчгина ухлай олмайдди. Кечалари ўғилларию келинлари бир-бириникидан отани ўғирлаб қочишади. Шундан сўнг ота қаёққадир ғойиб бўлади. Ўғиллар йиғилишиб, ҳаммаси ота уйига қўчиб боришади. Отани излаб, суриштиришади. Уйини таъмирдан чиқариб чиройли қилиб қўйишади. Ота эса ёнида бир ҳамроҳи билан кириб келади...

Спектакль ғояси ака-укалар ва келинлар ўртасида вужудга келган қарама-қаршиликларнинг ривожланиб бориш жараёнида ўз ифодасини топган



бўлиб, у томошабинни ҳам қулдиради, ҳам жиддий ўйлашга мажбур қилади. Спектаклда Ўзбекистон халқ артистлари Суръат Пўлатов, Наима Пўлатова, артистлар Ҳамид Тўхтаев, Мақсуда Отажоновна, Нафиса Хўжамқулова ва бошқалар ўз ролларини катта маҳорат билан ижро этганлар. Асарга Маъруф Отажонов режиссёрлик қилган, кўшиқларга Ақром Хошимов куй басталаган. Саҳнани расом Аҳмаджон Ўринов безатган.

Ўйлаймизки, Меҳр ва мурувват йилида ҳар биримиз меҳр-оқибатни эъзозловчи инсонлар бўлиб қолишимизда бу асар оз бўлсада ўз ҳиссасини қўшади.

Минг марта эшитгандан кўра бир бора кўрган маъқулдир. Сиз азиз муштарийларга ҳам ушбу спектаклни кўриб мушоада этишни маслаҳат берамиз.

Хонбиби ХИММАТ қизи.
СУРАТЛАРДА: «Додагинам» спектаклидан саҳна кўри-нишлари.

Ҳақимжон Солиҳов
олган суратлар.

Қаҳқаҳа

Театршунос ёш драматургга:

— «Фожиали драма» ёзибсиз. Лекин, «асар»ингизда «фожиа» деярлик... йўқ.

— Демак асарим қаҳрамонларини икки мартадан «ўлдиришим» керак-да?!

Бир қиз ҳаваскор расомга турмушга чиқди. Орадан бир неча кун ўтгач, дугоналари ундан сўради:

— Хўш, қандай яшай-сизлар?

— Жудаям яхши. Эрим суврат чизади. Мен овқат пишираман. Сўнг иккала-миз «ким нимани чизгани» ёки «қандай овқат пиширгани» ҳақида жумбоқни ечамиз.

ДАН ХОДИМИ ҲАЙДОВЧИГА:

— Йўл қондасини буздингиз! Дарҳол тушунтириш хати ёзингиз?!

— Саводим йўқроқ...

— Ундок бўлса... талонингизни тешамиз? ... Ҳайдовчи битта юз-талиқни гувоҳнома орасига қўйиб, назоратчига узатди.

— Мана, ёзишни билар экансиз-ку, — деди назоратчи. Лекин бундан кейин бирининг ўрнига 5 қўйишни унутманг, хўпми?!

ДОРИХОНАДА

— Сочи оқлар учун сизда бирор нарса борми?

— Чуқур ҳурмат қилишдан бошқа нарса йўқ, сэр.

ШУБАҲА

— Хотинингизни асаб касалига учрагани албатта кўнгилсиз воқеа, лекин сиз ҳавотир олмагн, у шу ҳолда ҳам юз ёшгача яшаши мумкин, — деди шифокор.

— Мен-чи?

БИЛМАСЛИКНИНГ ҲОҲАДИ

Мухбир юз ёшга кирган отахондан сўради:

— Узоқ умр кўришингизнинг сири нимада? Ахир сиз ёшлигингиздан бери чекар экансиз-ку.

Отахон тамаки чекатуриб деди:

— Ёшлик давримизда никотиннинг зарарли эканини билмаганмиз.

ЭСКИ КАСАЛ

Шифокор беморга деди:

— Хонангизни ароқ ҳиди тутиб кетибди-ку.

— Ароқни оғриган тишимга босгандим.

— У анчадан бери оғрийдими?

— Болалигимдан.

ЎТГАН ЙИЛГИ МАСЛАҲАТ

— Ичишни ташланг. Мен бу ҳақда сизга ўтган йилдаёқ гапиргандим.

— Эсимда. Лекин мен ўшандан бери тиббиётимиз тараққий қилди, деб ўйлабман.

Ўзбекистон мусаввири орасида табиат куйчиси, мураббий-мусаввир Баҳром Тожиев ижодида бир назар ташласак, унинг нозиктаб, сергак ва лирик йўналишдаги мусаввиригини сезамиз.

Рассом ижодхонасида

БЕҒУБОР ТҮЙҒУЛАР ТАРАННУМИ

Баҳром Тожиев табиатнинг тўрт фаслини тўрт ҳолатда бир-биридан гўзал, саҳийлигини тасвирласада, ўз хусусиятларига хос осойишталикка интилади. У беғубор, бедард, бегард яшашга мойил кўринишлар мафтуни. Мусаввир ҳеч кимга тақдир қилмайди. Ўзини қизиқтирган мавзуга қўл уради. Яратаётган асарини гоҳ қуй-қўшиқча, гоҳ ҳикоя, афсонага, гоҳ эса дostonу қиссаларга қиёс этади. Ижодкор табиат билан яшайди, яхши мулоқотда бўлади. Унинг қалбига қулоқ тутиб, дардини тинглайди, нима деяётганига тушунади.

Биз кўргазмаларда Баҳромнинг лирик йўналишдаги баҳор, ёз, куз фасллари бағишланган асарларини томоша қилганмиз. Олдиндан бефарқ ўтиб кетмай, тасвирлари ёнида узоқ туриб қоламиз. Мусаввир дегани гўзаллик шайдоси бўлиб, маълум мақсад сари боради. Қалбини қитқилаб, туғён урмаса ижод қилмайди. Таниқли табиат куйчиси Ўрол Тансиқбоев шундай мусаввирлардан бўлиб, табиатни ота-онасидек биларди. Осмон ва Ерни бир бирдан ажратиб қўймасди. Баҳром Тожиев шу мусаввирни ўзига устоз деб билар, у яратган асарлардан сабоқ оларди. Ўрол оға ҳар бир асарини фарзанди деб биларкан, Баҳром Тожиев ҳам асарларини фарзандла-

ридек билиб, уларга меҳр-муҳаббат билан қарайди. Табиат қўйнида юраркан, хуш кайфиятни биринчи ўринга қўяди. Шунинг учун яратган асарлари хуш кайфиятда томоша қилинади.

Яқинда рассом ижодхонасида бўлиб, у билан табиат манзаралари ҳақида узоқ суҳбатлашдик. У қандай асар яратмоқчи бўлса, олдиндан пухта ўйлаб кўришини, айниса қиш фаслини тасвирлашни хуш кўришини айтди. «Қиш бўлмаса баҳор бўлармиди? Ёз, куз фасллари бизнинг ўлкада қишнинг қандай келишига боғлиқ» деб ҳа-

ёлга толди у. Бу гапда жон бор. Ҳар бир инсондан сўрасангиз шу фикрда. Қиш яхши келса, қор кўп ёғса, тўқинчилик бўлади.

Мусаввирнинг қиш фаслига оид ўнлаб асарларини томоша қилиб, қишнинг турли ҳолатлари бизни ҳайратда қолдирди. У қишнинг субҳидам, илик, қуёшли кунда ва ниҳоят қиш-қишлигини

қилиб, уюм-уюм қорлари билан ҳаммани хурсанд этиб, бурчини бажарганлиги, осойишта, хотиржам ҳолатини сира муболагасиз тасвирлади. Қиш фаслининг айнан шу хусусиятларини ҳаётини тасвирлаб беришнинг ўзи катта маҳорат талаб этади. Бу Баҳром Тожиевнинг бошқа бирорта мусаввир ижоди-га ўхшамас томонларидан, истеъдодидан дарак беради.

Маҳмуд АҲМЕДОВ, санъатшунос
СУРАТЛАРДА: мусаввир Баҳром Тожиев ижодида қиш фасли тасвирлари.



ТИЖОРАТ ХАБАРЛАРИ ВА ЭЪЛОНЛАР ТИЖОРАТ ХАБАРЛАРИ ВА ЭЪЛОНЛАР

ҲУРМАТЛИ ИШБИЛАРМОН ВА ТАДБИРКОР ЖАНОБЛАР!

Давлат мулки қўмитаси Тошкент шаҳар бошқармаси ва

«Тошкент шаҳар муниципал биржа маркази»
Сизларни биржа савдоларига таклиф этади.

БИРЖА САВДОЛАРИГА ҚҮЙИДАГИ ШАҲРИМАЗ БОЗОРЛАРИДАН ЖОЙЛАР ҚҮЙИЛГАН:

Биржа савдоларида:

Тошкент шаҳри, Ҳамза тумани, Паркент кўчаси, 74-уйда жойлашган, «Parkent ixtisoslashgan bozori» ОАЖ ҳудудида янги қуриладиган турғун савдо дўконларини қуриш ҳуқуқи:

- майдони 9 квадрат метр (3x3) бўлган ноозиқ-овқат буюмлари дўкони қуриш ҳуқуқи, бошланғич баҳоси — 2 000 000 сўм;
- майдони 36 квадрат метр (6x6) бўлган қурилиш моллари дўкони қуриш ҳуқуқи, бошланғич баҳоси — 3 500 000 сўм;
- майдони 1,5 квадрат метр (1x1,5) бўлган лак-бўёқ дўкони қуриш ҳуқуқи, бошланғич баҳоси — 2 000 000 сўм;
- майдони 48 квадрат метр (6x8) бўлган ошхона қуриш ҳуқуқи, бошланғич баҳоси — 5 000 000 сўм.

Тошкент шаҳри, Сергели тумани, Янги Сергели, 3-уйда жойлашган, «Avtomakon» СЯМ ШХЖ (авто эҳтиёт қисмлар бозори) ҳудудида жойлашган, ҳар бирининг майдони 18 квадрат метр бўлган дўконлар, ҳар бир дўконнинг бошланғич баҳоси — 3 000 000 сўм.

Биржа савдолари ҳафтанинги ҳар иш кунинда
«Тошкент шаҳар муниципал биржа маркази»да бўлиб ўтади.

Мурожаат учун манзил: Тошкент шаҳри, Мовароуннаҳр кўчаси, 16а-уй.

Телефон: 132-25-51. Факс: 133-20-74.

www.tshmbm.uz; E-mail: Birja@mail.tps.uz ва info@tshmbm.uz

Қилмиш-қидирмиш

ЁШ УМРИНИ ХАЗОН ҚИЛДИ

Ота-она ҳеч қачон боласига ёмонликни раво кўрмайди, уни ёмон йўлга кирсин демайди. Аксинча боласининг Ватанига фойдаси тегадиган инсон бўлишини, унинг роҳатини, ютуқларини кўришни хоҳлайди. Лекин минг афсуслар бўлсинки, фарзандлик бурчини адо этмайдиган ноқобил болалар ҳам бор.

Нигматжон фарзандини неки орзу-ҳаваслар билан воёга етказди, кексайганда роҳатини кўрарман деб эзгу ниятлар қилди. Лекин Фаҳридин отасининг бу орзуларини поймол қилиб, ғиёвандлик йўлига кирди. Ота-си уни бу йўлдан қайтаришга қанчалик уринмасин барибир фойдасиз эди, шифокорларнинг қилаётган муолажаларини у тез кунда унутиб, яна эски хунарига муккасидан кетарди. Фаҳридин ғиёвандликдан ташқари яна ўзига бир «қасб»ни орттирди. Бу ўғрилиқ эди. У биринчи галда ўз қариндошлариникига ўғрилиққа тушди. У бу йўл орқали катта пул топди. Ноқобил фарзанд ҳаром топилган пулларни ғиёванд моддаларни сотиб олишга сарфлар, лекин ўзининг ёшгина умрини хазон қилаётганини ҳеч англамас эди.

У иккинчи режасини Ҳамза туманида яшовчи Перекелованинги уйига қаратди. Лекин унга бу режаси омад келтирмади.

Ишни ўзича пухталаган Фаҳридин калит танлаш йўли билан кириб Перекелованинги хонадонидан 1.025.000 сўмлик кийим-кечаклар, уй-рўзгор буюмларини ўғрилаб кетаётган вақтида ички ишлар хизмати ходимлари томонидан қўлга олинди.

Фаҳридин осон йўл билан бойлик орттириш, бел оғритмай пул топишни кўзлаб катта хато қилди. Энди ёшлиқнинг энг гўзал дамларини панжара ортида ўтказиб, ота-онасини иснодга қолдирадиган бўлди.

Тошкент шаҳар ИИББ матбуот марказининг жамоатчи мухбири
Дилдора РАҲИМОВА тайёрлади

Спорт

РОССИЯДАН —
МЕДАЛЛАР
ШОДАСИ БИЛАН

Каратэ, дзюдо, у-шу каторида кейинги пайтларда мамлакатимизда шарқ яккакурашининг таэквондо тури ҳам жадал ривожланмоқда. Кўплай етакчи таэквондочиларимиз жаҳон ва Осиё чемпионлари эканлиги, йирик халқаро мусобақалардан медаллар шодаси билан қайтишадигани фикримиз далилидир.

Жумладан, Россия пойтахти Москвада болалар ва ўсмирлар ўртасида таэквондонинг ITF тури бўйича бўлиб ўтган халқаро турнирдан ҳам ёш таэквондочиларимиз катта зафар кучиб қайтишди. Мамлакатимиз таэквондочилари ушбу турнирда жами 9 та олтин, 6 та кумуш ва 5 та бронза нишонларини кўлга киритишди.

Қизлар ўртасида Ирода Исмоилова ҳам масоги, ҳам тил йўналишлари бўйича олтин нишонларни кўлга киритган бўлса, Алексей Забугин юқоридаги икки йўналишдан ташқари қаттиқ предметларни синдириш борасида ҳам зафар кучиб бирваракайига учта олтин нишоннинг соҳиби бўлди. Ушбу ёш ва маҳоратли спортчилар бошқа таэквондочиларимиз учун ҳар томонлама ўрнак бўлишди. Ҳозирда ёш таэквондочиларимиз июнь ойида Малайзияда ёшлар ўртасида ўтказиладиган жаҳон чемпионатида қизғин тайёргарлик кўрмоқда.

МАҲОРАТЛАРИНИ
КЎРСАТИШДИ

Кикбоксинг бўйича Ўзбекистон терма жамоаси спортчилари Россиянинг Саратов шаҳрида ўтказилган ушбу мамлакат очик чемпионатидан қайтишди.

Турнирда Россия, Ўзбекистон, Қозоғистон, Қирғизистон ва Тожикистон кикбоксинг усталари ғалаба учун кураш олиб боришди.

Шуни таъкидлаш керакки, мусобақаларда тўрт нафар спортчимиз қатнашган бўлса, учтаси медаллар соҳиби бўлди. Жумладан, Санжарбек Дадахонов ва Алишер Зиёевлар кумуш, Жавлонбек Уктамов эса бронза нишонлари соҳиби бўлди.

Мусобақа аяқлангач, кикбоксинг миллий федерациялари анжумани ўтказилди. Унда Осиё минтақасида Ўзбекистон кикбоксинг федерациясининг нуфузи ортиб бораётгани, спортчиларнинг ҳам маҳорати ошаётгани таъкидлаб ўтилди.

Даврон НУРМАТОВ

Ўзбекистон Республикаси Олий аттестация комиссияси томонидан Абдувоҳид Маматуллович Жўраев номига берилган 05 № 000618 рақамли профессорлик гувоҳномаси йўқолганлиги сабабли

БЕКОР ҚИЛИНАДИ

Сирли мўжиза

ИНСОНИАТ ЗАКОСИНИНГ МЕВАСИ

Аслини олганда шахмат ўйинини бир киши яратмаган, балки у бутун инсоният закосининг мевасидир.

Масалан 1825 йилда Испаниянинг Барселона шаҳрида шахматнинг биринчи лугати босиб чиқарилди. У Хуан де ли Торре томонидан тузилган бўлиб асар шахмат маълумотномаси ва атамаларидан иборат эди.

Унда шахмат ўйини қондалари, унга оид номланишлар изоҳи кўрсатилган.

XV асрдан до XVIII асргача Франция, Англия, Испания, АҚШ, Россия, Италия давлатлари шахмат назариясига кўп англиклар киритдилар. Шахматга оид журналлар, китоблар ва газеталарда шахмат этиюлари, композиция биринчи бор нашр қилинди. Шахмат этикаси ва психологияси ҳақида мақолалар ёзиб боришди. Механик шахмат соати пайдо бўлди. У биринчи марта 1883 йилда Лондонда ўтказилган халқаро турнирда ишлатилди. Чунки XIX асрнинг ярмигача шахмат ўйини пайтида вақтни билиш учун кум соатидан фойдаланишган.

Мусқала нотадек шахматда ҳам нотация мавжуд бўлди. Буни суриялик шахматчи Ф.Стамма кашф қилган. У XVIII асрда Халаб (Алеппо) шаҳридан Лондонга кўчиб борган ва ташқи ишлар вазирлигида таржимон бўлиб ишлаган. Унинг «Шахмат ҳақида тажриба» деган китоби 1837 йилда француз тилида чоп этилган. Нотациянинг кашф қилинишининг сабаби шундаки, рақибингиз билан ўйнаган партияларни ёзиб борасиз. Машҳур шахматчиларнинг ўйнаган партияларини таҳлил этишда қийналмайсиз, ютуқ ва камчиликларини ажрата олишда шахмат нотацияси сизга ҳамisha яқиндан ёрдам бериб туради. Албатта бу нарсалар ёшликдан ўрганиб борилад чакки бўлмайди. Шуниси қизиқки, дунёга машҳур бўлган «Қобуснома» китоби ҳам шахматга оид ўзига хос ўғитлари би-

лан ўқувчини жалб этади.

Масалан, «Қобуснома»нинг «Одамлар ва шахмат ўйнаш ҳақида» деган махсус бобида шундай дейилади. «Ўйин бошланишидан аввал ҳеч қачон биринчи бўлиб донга танлашга шошилма. Бу ишни ҳурмат юзасидан рақибингга ҳавола эт ва доим уни биринчи бўлиб юришга таклиф эт».

«Ўзингни яхши ўйинчи деб ҳисобласанг ҳеч қачон жиззакчи одамлар билан ўйнама. Акс ҳолда кўп ўтмай ўзинг ҳам улар қаторига қўшилисан».

«Қобуснома» муаллифининг бу фикрлари унинг хитойлик замондоши Ван Циюнь Юянинг қуйидаги фикрига жуда ўхшаб кетади:

«Ўзидан кучсизроқ шахматчини излаш — ёмон шахматчининг илинжидан бошқа нарсасиз».

Яна Кайковус ўғлига насиҳатларининг биринчи доимо ақл-идрок билан иш тутишга, жумладан ҳеч қачон «пулга шахмат ўйнамасликка» даъват этади. Бундай ишни у тўғридан-тўғри тарбиясизлик деб атайди.

Яна «Билиб қўй, ўғлим — деб ёздаи


Кайковус, — ўз ўрнида ишлатилмаган ҳазил жоҳилликка етаклайди. Агар иложини топсанг шахмат ўйнаш пайтида ҳар қандай ҳазиллардан ўзингни сақла. Чунки бундай пайтда рақибинг қизишиб турган бўлади ва ҳазилнинг оқибати яхшиликка олиб бормаслиги эҳтимолдан ҳоли эмас».

У фарзандига ёшликдан бошлаб ўзини тутта билишга ҳаракат қилишини илтимос қилади. Кайковус бундай ажойиб фазилатни бобоси Амир Қобусдан ўрганганлигини фахрланиб ёздаи.

Маълумки, Журжон шаҳрининг амирами Амир Қобус замонасининг энг донишманд ва зиёли одамларидан ҳисобланган.

XIV асрда эса француз тилида «Машҳур дoston» деб номланган исми яшириниб ёзилган ошиқона шахмат дostonи яратилган ва унинг ҳажми жами 3060 сатрдан иборат. Унинг 580 мисраси хоним ва уни севиб қолган мард йигит ўртасидаги шахмат ўйинига бағишланган. Рақиблар ўйин пайтида айтган гаплар, ҳазил-мutoйибалар мажозий маънога эга. Шу жиҳати билан дoston ўрта асрда Европада оммавийлашиб, бошқа тилларга ҳам таржима қилинган.

Анвар ИНОҚОВ,
шахмат бўйича спорт
усталигига номзод



МАҲОРАТИНГИЗНИ СИНАБ КЎРИНГ

- 1) икки юришда мот.
- 2) оқлар бошлаб уч юришда мот қилади.

ҲИМА? ҚАЧОН? ҚАЕРДА?

26 январдан — 1 февралгача:

БУГУН — Халқлар дўстлиги саройида «Гал йўк» кўрсатуви ижодкорларининг «Аразласанг, ўламан» кинокомедияси соат 15.00, 19.00 да намойиш этилади.

● Алишер Навоий номидаги Санъат саройида «Дев билан пакана» кинокомедияси соат 11.00, 13.30, 16.00, 18.30 да бошланади.

27 январда:

● Гагарин номли кинотеатрда «Жосуслар болалари-3» (АҚШ) бадиий фильми соат 12.00, 18.00, «Олашақшак» янги кинокомедияси эса соат 14.00 да намойиш қилинади.

● Йўлдош Охунбобоев номидаги республика Ёш томошабинлар театрида Абдулла Авлонийнинг «Адвокатлик осони» спектакли соат 14.00 да бошланади.

28 январда:

● Ўзбек Давлат академик драма театрида Э.Хушвақтов асари «Қирмизи олма» спектакли соат 18.00 да намойиш қилинади.

● Алишер Навоий номидаги Ўзбек Давлат академик Катта театрида П.Чайковскийнинг «Оқуш қўли» балети соат 18.00 да бошланади.

29 январда:

● Муқимий номидаги Ўзбек давлат мусикий театрида «Диёнатга хиёнат» спектакли соат 18.00 да намойиш этилади.

● Аббор Хидоятлов номидаги Ўзбек давлат драма театрида «Ассалому алайкум кизлар» спектакли соат 17.00 да бошланади.

30 январда:

● Йўлдош Охунбобоев номидаги республика Ёш томошабинлар театрида «Сехрли хуржун» (кўча спектакли) соат 10.00 да намойиш қилинади.

● Ўзбек Миллий академик драма театрида Э.Хушвақтов асари «Қирмизи олма» спектакли соат 18.00 да бошланади.

31 январда:

● Муқимий номидаги Ўзбек давлат мусикий театрида Н.Қобул асари «На фалакман, на фаришта» спектакли соат 17.00 да намойиш қилинади.

● Аббор Хидоятлов номидаги Ўзбек давлат драма театрида «Қайтар дунё» спектакли соат 15.00 да бошланади.

● Тошкент Давлат мусикали комедия (Оперетта) театрида «Сохибжамол Елена» спектакли соат 17.00 да намойиш этилади.



Сўзсиз сурат.

Абдурасул Ҳақимов чизган расм.

Ҳ.АСОМОВ—А.ТЕМУР—Х.ЭРГАШЕВ КЎЧАЛАРИ КЕСИШМАЛАРИДА КЎПРИК ҚУРИЛИШИ МУНОСАБАТИ БИЛАН ЁПИЛАДИГАН КЎЧАЛАР ТЎҒРИСИДА

Хусниддин Асомов — Амир Темури — Хидирали Эргашев кўчалари кесишмаларида кўприк қурилиши муносабати билан шу йилнинг 17 январидан қурилиш тугагунга қадар қуйидаги кўчалар ёпилади:

- Хусниддин Асомов кўчаси Шароф Рашидов кўчасидан Амир Темури кўчасига қадар;
- Хидирали Эргашев кўчаси Амир Темури кўчасидан Фани Мавлонов кўчасига қадар.



Муносиб:
Тошкент шаҳар
ҳокимлиги

Бош муҳаррир Акмал АҚРОМОВ

Манзилимиз: 700000,
Тошкент шаҳри,
Матбуотчилар кўчаси, 32

ТЕЛЕФОНЛАР:

хатлар — 133-29-70;
эълонлар:
133-28-95, 133-11-39;
факс: (3712) 133-21-56.

Ҳажми — 2 босма табоқ, офсет
усулида босилади.
3576 нусхада босилади. Қотоз бичими А-3

Газета Тошкент шаҳар
Матбуот ва ахборот
бошқармасида 1-рақам
билан рўйхатга олинган.

Душанба, сешанба, чоршанба,
пайшанба ва жума кунлари чиқади.
Намр кўрсаткичи — 563

Нашири етказиб бериш масалалари бўйича турар жойлардаги почта
бўлимлари ёки «Тошкент почтаси»га — 133-74-05 телефонига
муросалат қилишнинг мумкин.

Газета «Тошкент оқшоми»нинг компьютер
марказида терилди ва саҳифаланди.

«Шарқ» нашриёт-матбوع акциядорлик компанияси
босмахонаси. Корхона манзили: «Буюк Турон» кўчаси, 41-уй.